

COMUNICATO n. 857 del 19/04/2024

Traduzione in ladino

Recognosciment joegn Enrescidores Euregio 2024, se pel se candidèr en cont al argument de l'intelligenza artificzièla

[Ladino] “Intelligenza artificzièla te l'Euregio” l é l argument del Recognosciment joegn Enrescidores Euregio 2024, ruà a la 13^a edizion, col patrozinie de la Cambres de comerz e industria de l'Euregio Tirol-Sudtirol-Trentin.

I joegn enrescidores di trei raions i pel manèr ite, dant che sie fora i 15 de mé, n formulèr online co na sumèda per ingleis de sia enrescida. E più avisa, i lurieres i cogn esser traté te la materies de economia e de la scienza sozièles, del derit, del istruzion e de la sciences umanes, de la sciences tecniches, de cheles naturèles o te la medejina. Na juria de livel aut, con a cef la presidenta de la Università ledia de Busan, la troarà fora i projec miores e i joegn enrescidores cernui fora i vegnarà envié al Forum european de Alpbach per i Dis del Tirol, ai 17 e 18 de aost, a portèr dant sie lurier e poder se baratèr idees con scienziac de nonzech e raprejentanc de la istituzions. Pel manèr ite sia candidatura i joegn enrescidores con manco che 35 egn (nasciui dant dai 16 de aost del 1989) che laora te università, istituc auc e istituc de enrescida de l'Euregio, o te le università, istituc auc e istituc de enrescida de dut l mond e che vegn da l'Euregio.

Per l President de l'Euregio e de la Provinzia autonoma de Busan l Recognosciment Joegn Enrescidores Euregio l é jà n travèr per l'Euregio Tirol-Sudtirol-Trentin: poder didèr i joegn che se dèsc ju te n setor, chel de la enrescida, fundamentèl per l davegnir, te chel che i raions i se dèsc ju jà da n trat de temp. Apede, l argument tout ca chest an te chel che i joegn enrescidors cogn desmostrèr sia capacitèdes, l'intelligenza artificzièla, l fèsc acioche l Recognosciment l sie amò più enteressant e de emportanza.

Per l President de la Provinzia autonoma de Trent, l Recognosciment l é na oportunità de gran valor per i joegn enrescidores, per sie luirer che deida n muie l svilup de sistemas inovatives per ge fèr front a la endesfides che i raions se met dant. Didèr l barat de cognoscenzes e de idees sorafora i confins l é segur na vida de concretisèr ence chel che l é vegnù fora dal G7, stat da pech a Trent belapontin en cont al argument de l'intelligenza artificzièla, per chest l augurie l é che tenc joegn i sie enteressé a tor pèrt a chesta neva edizion.

Per l president del land Tirol l argument de l'intelligenza artificzièla l é de gran enteres e l é aprijà da la jent, ma l fèsc ence cruzièr e tema. L é pec i argomenc olache la oportunitèdes e i pericoi i é coscita apede, desche per chel, che revèrda l'IA. L svilup tecnologich no l é mai stat coscita dinamich e spredient desche chel de l'IA. Tel chèder del Recognosciment Joegn Enrescidores Euregio 2024 se vel donca ge dèr luster ai joegn enrescidores che laora per l svilup tel ciamp de l'intelligenza artificzièla.

L'IA la cogn vegnir amò svilupèda, classificchèda e analisèda da la scienza, a na vida che ence i politics posse endrezèr la normes, la regole e i limic. L envit l se ouc donca a duc chi che à enteres a portèr dant sie

lurieres de enrescida en cont a l'argoemnt de l'IA. I partecipanc i podarà ge dèr n'emportant contribut a duta l'Euregio e i podarà se baratèr idees con scienziac de nonzech tel chèder del Recognosciment Joegn Enrescidores Euregio.

L' president de la Cambra de Comerz de Busan l' recorda che l' economia la fossa ceta senza la enrescida, percheche chesta l' é la base per l' svilup de neva idees, technologies e strategies. L' enrescida donca no la met ensema demò l' prejent, ma enc el davegnir e la deida a na vida fondamentèla ence l' jir inant de la sozietà. Per la Cambra de comerz l' Recognosciment Joegn Enrescidores de l' Euregio l' é na oportunità de didèr chest prozes de crescimonìa e sottrissèr sia emportanza.

L' president de la CCIAA de Trent l' sotrissea che i joegn enrescidores con sia curiosità, ressoluzion e competenza, i é la forza de l' inovazion e del mudament. L' é de obligh, desche istituzions e imprenditores, ge sporjer l' didament che ocor per fèr acioche i posse fèr vegnir fora duta sia capacitèdes. Per chesta rejon l' Recognosciment Joegn Enrescidores de l' Euregio l' é na ocajion preziosa per meter en esser coleamenc staifes anter l' mond de la enrescida e chel de la firmes tel chèder internazionèl che sporc didament e valorisea l' sparpagnament de la cognoschenzes.

Per la presidenta de la Cambra de Comerz del Tirol, che la spera che vegne manà ite tropa candidatures per l' Recognosciment, l' é emportant didèr l' inovazion e la enrescida te l' Euregio Tirol-Sudtirolo-Trentin, percheche l' inovazion la ne fèsc esser forc con pech. La Cambra de Comerz del Tirol, la deida i imprenditores te sie percors per ruèr a soluzions inovatives. Per chesta rejon l' é de gran emportanza che l' Recognosciment Joegn Enrescidores posse sporjer n' pest en moneida adata.

Duta la informazion en cont al avis les é sul sit:

<https://www.europaregion.info/it/euregio/progetti/scienza/premio-giovani-ricercatori-euregio/>

Chest l' é l' link per desiarièr l' formulèr online per poder tor pèrt a la selezion:

<https://forms.office.com/e/USyk9nGLEi>

Ai finalis ge vegnarà refat ite la speises de viac e per stèr doi net a Alpbach.

Se pel domanèr duta la informazion al Ofize de l' Euregio Tirol-Sudtirolo-Trentin, referiment Jasmin Penz (tel. +43 512 5082355; jasmin.penz@euregio.info).

Traduzion di Servijes Linguistics e Culturèl del Comun general de Fascia

(cdt)